

Istoria d'un esvagat viatjador

Uèra er istuèra d'un esvagat qui vòu fruta:

Eth problèma: qu'ei trop feneant.

E tot aquerò que's passa en 2010 pera Seuva tropicau d'Africa, en Còngo.

Tot d'un còp, un macaco deth cuu blu que passa per aqui.

-Porta'm cacauèts, entà't pregar, ce digó er esvagat.

-Òc mes en escambi, pòrta'm bananas, ce responó eth macaco.

Er esvagat que se'n va hèra luenh, tara mar, tà trobar bananas.

Qu'encontra era tortuga de mar qui natava a plaser.

- Adiu, as vist bananas per aqui?
- Òc, que sèi on n'i a mes en escambi que voi ueus de crocodile.

Alavetz, er esvagat que se'n va tà China tà cercar ueus de crocodile. Mes eth vent que s'empòrta eth bateu de cap ar America e qu'encontra Yakari, Grana de Bison e Pet de Periclet.

-Adiu, ce digó er esvagat, e sabes on n'i a ueus de crocodile?

-Un esvagat qui parla, s'estomaguè Yakari.

- Mes non, qu'ès tu qui coneishes eth lengatge deths animaues, ce'u responó er esvagat.
- -Oc, que't voi balhar ueus de crocodile mes que cau traucar er arriu.

Quan traucan er arriu, eth briu que'us s'emporta e que caden deth som d'ua chorrèra. Dehens eth lac, que i a ua tropa de crocodiles charmantòts qui'us balhan eths lors ueuets aimats.

Er esvagat que se'n torna tara platja, que da eths ueus ara tortuga qui'u da bananas.

Autanlèu a casa, qu'escambia eras bananas emper cacauèts.

Que las hè passar tara padèra e que convida tota era soa familha entà las tastar.

Quan vrespejan, er esvagat que's lança en ua grana batalèra.

“ Que juri qu'a comptar de uei, ne demandarèi pas mes ad arrés de'm har eth tribalh ara mea plaça pr'amor, entad aqueras cacauètas, que soi anat tara platja e tà America.”

E clac e clic

Er esvagat n'a pas dromit

E clic e clac

Er Esvagat qu'ei tornat plan hardit!